



14  
1544  
116



14  
1544  
116

蜀雅卷九

羅江李劍元雨村選

雷 壑

挺字翁山井研人願治辛卯舉人官吳縣令

曉 峒 巖

為愛秋痕落碧香。輕車乘興載新涼。芙蓉倚漢清如削。薜荔依門翠半凋。石徹雲深選日月。天成洞宇自樓臺。青燈共向幽巖宿。月下鷗寒有鶴來。

邱履程

蜀雅卷九

14  
1544  
116

蜀雅卷九

羅江李調元雨村選

雷斑

珽字笏山井研人順治辛卯舉人官吳縣令

崆峒巖

為愛秋痕落碧苔。輕車乘興載新醅。芙蓉倚漢清如削。薜荔依門翠半開。石敞雲房還日月。天成洞宇自樓臺。篝燈共向幽巖宿。月下聲寒有鶴來。

烹鍊而出却自矯逸

邱履程

蜀雅 卷九

履程字鴻漸號一菴成都人順治辛卯科舉

寄費二參軍此度嘉州

寄費二參軍此度嘉州

刀鋌初出骨空存。又曳輕裾上將門。才畧自能追越石。旌旗誰復似桓溫。芙蓉麗發新文藻。薜荔衣香舊夢魂。志士何妨聊袖手。空山歸臥聽啼猿。

簡上

上字謙居號石潭巴縣人順治辛卯舉人官

至吏部郎督學江南遷廣西左江道著有彙

解四書

八陳圖

連宵金鼓震。殷殷出河干。峽捲愁雲黑。天沉落日丹。雷霆司石壘。神鬼護烟灘。抱恨無須辨。遺孤在永安。

馮天培

天培字默佑西充人順治甲午解元官福建

漳平縣知縣

春感

香車寶馬去悠悠。載酒尋花陌上游。借問春光誰賦

得飄零。王粲未登樓。眼前語  
風致

羅為賡

為賡字西溪南充人順治甲午舉人官浙江

孝豐縣令擢行人卒西溪官孝豐令有德政  
民為立生祠詩亦和平

無叫  
驚氣

過合州

舟發天未晚。夢醒日初晴。雲繪遠山色。江流急雨聲。  
岸沙留虎跡。炊靄見荒城。在昔繁華地。如何僅有名。

三四  
名句

李璿

璿字宕山號梅岑渠縣人順治甲午舉人官

鳳陽縣知縣有片石齋集梅岑有集句  
詩一卷甚工

歲暮感懷步二兄原韻

蜀山閩海思悠悠。暮角邊笳滿戍樓。泉石近知何處  
樵風烟遙接故園愁。投身可得如張儉。洗耳還應似  
許由。誰念飄零荒瘴地。南冠千里獨羈囚。

聞笛

晚霽江城夜氣清。寂寥孤月對愁明。誰携羌塞三更

蜀雅 卷九 三  
笛吹作吳山十月聲。豈有梅花開更落。自驚楊柳折還生。天邊舊業歸何日。爲爾今宵夢不成。

春日旅懷

春風客思繞郵亭。厭見千門草色青。黃盼眉間空歲歲。白窺鏡裏幾星星。漢庭近詔寬三甲。蜀道何年鑿五丁。但說醉鄉饒樂事。羈心聊欲託沉冥。五六 工甚

榕城雜咏

民力東南久。驛騷尙聞飛。艦欲凌濤將。軍自許標銅柱。長吏誰曾過石壕。荔草夜呼朝市閉。海田春隔繚

垣高。何當借箸籌方畧。願罷乘風破浪艘。

別孫無燁

甕社棠陰晚未殘。相逢誰復問南冠。令君座上香三接。公子門前鋏幾彈。久客未聞生馬角。累人何止愧豬肝。擬將千尺珠湖水。深比桃花一樣看。

過沔縣謁武侯廟

宗臣遺像千秋在。入廟愀然睹瘁躬。沔水長流心血碧。蜀山高鎖陣雲紅。呂伊伯仲真何忝。管樂才名漫許同。莫訝漢圖終割據。九原餘恨哭秋風。

劉沛先

沛先字棠溪閩中人順治甲午舉人官至兵  
科掌印給事中

湖上

湖水尚如昨樓臺望已稀。可憐相識燕猶向舊家飛。

金光祖

光祖號念峰犍為人

不得家書

孤影空庭悵旅居。遥遥清漢倍踟躕。三年寂寞金臺

月。萬里浮沈蜀道書。殘笛不堪愁裏聽。顰眉祇向夢  
中舒。故園今夜應相憶。雁羽迢迢半載餘。

田金

金字子相閩中人

春獵曲

雙闕春烟曙。高於遠度城。羽林開輦道。豹尾映車旌。  
花路前禽起。平原驟馬鳴。君王思講武。不厭鼓鼙聲。

熊天祥

天祥字里未詳

從陶烜四川人  
詩的中採入

秋懷

雲山歷歷雁聲低。秋水潺潺日色西。往日繁華今不見。寒江徹夜老猿啼。

再存異

存異字同人南充人

登增城龜峯

龜峯第一岑。異地獨登臨。髣髴方山勝。依稀果水深。人烟平雉堞。塔影壓江林。風景嘉如許。容無宓子音。

李奕拓

奕拓字麟武遂寧人

諸生寓居蘇州詩有吳風

生女

生女復何恨。愁時亦解歡。每携花下坐。偶向月中看。學語聲猶澀。求人乳亦難。左公賦嬌女。三復倍辛酸。

淮上同吳西文步月

同爾耽良夜。臨流興轉清。人行官渡口。月照大。可聲。漁屋連波動。柳烟著樹生。劇談身世外。誰耐聽支更。

入夔

一逕瞿塘過。雙崖灩澦通。亂離夔子國。想像永安宮。



人老干戈。裡烟稀。邑井中。踟躕看白帝。躍馬意何雄。

張吾瑾

吾瑾字石仙金堂人順治乙未進士官至行

人有鵲符齋集

石仙有韵笑泉和趙松雪詩云常與江湖同晝夜不隨春夏問榮枯

山居

朝。雲。起。山。南。暮。雲。起。山。北。只。有。山。中。人。朝。暮。看。山。色。

似古樂府

陳暉雯

暉雯字杲亭富順人順治乙未進士官廣東

樂昌令晚自號破愚子

破愚官樂昌有循聲詩亦澹遠似韋蘇州

雙風舟行

晴川曲曲抱沙堤。岸柳依依遠近齊。山色欲開疎雨外。夕陽忽在亂峰西。舟前波浪河流駛。望裏烟嵐樹低。作客乘春何處往。故鄉曾否息征輦。

張注慶

注慶字元長號曲山保寧人順治乙未進士

官至廣東巡按御史

鄧孝威云向于廣陵得晤曲江柴丈極稱其澹

懷雅識觀其贈證一官知為古人無疑

濯足仙女潭同費此度作

濯足仙女潭潭水清且潔輕儵出其間後先悉成列  
長此浥塞流芳餌非所悅猿啼萬山雲漁歌兩岸雪  
我友醉濁醪為探馮夷穴載詠吳隱詩不見心如結

彭襄

襄字子贊中江人順治乙未進士

書屈陶合刻後

變風以後數靈均彭澤天然見性真對酒不忘書甲  
子懷沙長自嘆庚寅滋蘭九畹心偏遠采菊東籬句

有神五柳三閭異醒醉何妨千載德為鄰

羅江李調元雨村選

李珪

珪字公執號鶴汀渠縣人順治丁酉舉人官

襄字子贊中江人順治乙未進士

書屈陶合刻後

變風以後數靈均彭澤天然見性真對酒不忘書甲  
百恢正性三閭異躄酒可故千輝齋為憐菊東籬句

蜀雅卷十

羅江李調元兩村選

李珪

珪字公執號鶴汀渠縣人順治丁酉舉人官

寧德縣知縣有說劍齋集

鄧孝威選公執詩只兩首今從鴛港

處獲觀全集公自序其詩云巴渝之俗其人  
好歌李生偶爾習氣不除借此發其塊壘使  
巴童蕩漿寶女持節而唱之亦竹枝  
款乃之餘韻耳讀此可以想其襟懷

古意

桂生泰山阿朝露浥其英馨香遍林莽高潔可人情

白。憐。山。下。池。形。影。與。之。迎。深。秋。沐。素。月。蕩。漾。滌。塵。氛。  
顧。爲。女。蘿。花。托。根。附。爾。身。常。使。松。栢。風。爲。我。颼。颼。鳴。  
峩。峩。趙。城。門。直。接。邯。鄲。里。里。中。有。少。年。意。氣。爲。人。死。  
衆。人。徒。嗷。嗷。寧。解。丈。夫。志。丈。夫。常。苦。悲。感。慨。日。以。至。  
何。當。騎。大。鵬。飛。過。滄。溟。水。俯。謝。鷺。鳩。羣。蠅。聲。徒。細。細。

筆

天涯路

天。涯。路。年。去。年。來。無。着。處。冉。冉。斜。陽。浸。綠。波。朦。朦。細。  
雨。迷。春。樹。不。知。底。事。係。心。頭。撥。盡。鷓。鴒。絃。留。不。住。一。曲。

離。歌。唱。未。終。鳴。鞭。亂。踏。紅。塵。去。去。馬。匆。匆。不。少。留。花。  
邊。亭。館。柳。邊。樓。水。遠。山。長。望。不。到。十。二。珠。簾。懶。上。鈎。  
唯。有。垂。陽。知。別。苦。婆。娑。亂。拂。去。人。頭。

東垣道中

君。不。見。遊。子。心。易。悲。天。寒。歲。暮。霜。風。吹。滹。沱。凍。合。冰。  
如。鐵。僵。殺。侵。晨。馬。上。兒。年。年。臘。月。漁。陽。道。十。里。九。里。  
無。青。草。枯。桑。海。水。亦。有。知。明。鏡。秋。霜。那。不。老。竭。來。浮。  
食。京。華。春。空。教。塵。土。撲。烏。巾。誰。憐。盡。日。高。樓。上。手。捲。  
珠。簾。望。遠。人。

沙縣雜詩

屈指河東發。應過函谷關。百年寒食節。萬里越江邊。  
老眼昏殘水。征途指亂山。青春期汝至。相對破愁顏。  
風雨沙村路。心悲此滯留。怕驚垂老眼。不上最高樓。  
客久唯親劍。書來數買舟。方言雖飽聽。觸緒但牽愁。

聞官軍收漢中成都

天險誰終踞。先聲已不支。傳聞收宋建。遂已燼姜維。  
王者師無戰。流人言可知。翻愁雲棧路。雨雪擔簦遲。  
已分歸無計。朝來涕淚新。誰傳今日信。吾是再生身。

月冷瘡痍色。花殷鼓角春。安危爭撫虐。跋望轉傷神。

全從工部脫胎

登奎樓

樓在高郵城南堞上先大夫收郵重建

城郭參差暮靄收。重來此地不勝愁。王孫前路誰青  
眼。父執于今半白頭。葉葉棠梨霜後赤。家家楊柳雨  
中秋。遺碑讀過腸隨折。蔓草寒煙迸淚流。

送王孝先入秦幕

江上相逢春草滿。橋邊送別暮禽鳴。黃雲隴樹千峰  
隔。落日邊山一劍行。漢時幾年猶置驛。秦關百里未

休兵丈夫還有蒼生志。爲看陳琳草檄文。

丁未下第後同潘遊擊新吾話舊感賦

帝里黃塵軋敝裘。霜華暗逼鬢毛飈。也知侯印憎猿臂。可耐儒冠誤虎頭。抱璞幾年羞楚別。據鞍三歲哭吳鈞。何當挽起滄溟水。澆盡男兒萬古愁。

三山雜感

珠簾繡柱城西路。父老猶誇未戰前。他日射陀專璽綬。幾年楊僕擁樓船。春城晝閉飛飛燕。野水晴看貼貼鳶。只有無諸臺畔草。東風依舊綠綿芊。似老杜諸將詩

青絲珠絡散平蕪。二月春郊草上枯。宛馬自來甘苜蓿。魯人今復峙芟芻。空村夜釀傭身值。廣陌晨飛趣市符。蒿目遺民成痛哭。五年剜肉給征輸。

寄周嘉受

渺渺予懷隔水涯。憶曾玉樹倚蒹葭。荀君坐處香三日。潘令行來果一車。屈指秋風摧蕙草。斷腸春信隔梅花。練裙憶得羊欣在。無語挑燈對綠紗。三四巧鴛港極贊之

九日同恕庵寓西登高

客中時序只堪驚。此日欣逢九日晴。皂帽青鞵何處

酒紫萸黃菊故山情。江湖滿地歸難定。哀樂中年感  
易生。盡醉不須嗟世路。暮雲無盡是神京。

紅樹青山繞郭斜。連天秋水浸蒹葭。自拚却掃歸馬  
行。誰爲欵冠嘲孟嘉。萬里有風遲白雁。一樽無恙就  
黃花。登臨且闔身粗健。矯首江天息鼓笳。

題扇頭桃花

元都舊業未全空。幾樹依然綠間紅。恰是武陵溪口  
望。數聲啼鳥夕陽中。

題館壁哀前宮人之被俘者

景陽烽火竟天紅。馬上琵琶怯曉風。從此盧龍河上  
月。獨將淚眼盼征鴻。  
臺城花柳望中迷。夢到陳宮事已非。今日笳吹明日  
淚。何人爲贖蔡姬歸。

趙弼

弼字子匡。號芙蓉溪。彭縣人。順治丁酉舉人。有

半山草堂集

子匡詩逸情雲上  
有蓬蓬遠春之意

出棧

閣道衝烟出迢迢。問帝鄉。山深晴亦冷。花密雨皆香。

茅店春宜坐。鈴聲夜可傷。欲尋蕭相迹。騎馬獨廻翔。  
是棧道  
中語

李如泌

如泌字鄴臣。號廉水。井研人。順治丁酉科舉。  
人有胎仙集。鄴臣詩如百戰健  
兒三鼓而氣不竭

鄉夢

湖北湖南正好秋。故園何處夢悠悠。瞿塘急水流難  
住。巫峽愁雲結不收。萬里魚書無計得。千群犀甲幾  
時休。顧看四壁皆沉寂。倘遇仙人葉作舟。與少陵步  
月看雲同

一慘

李蕃

蕃字錫徵。通江人。順治丁酉舉人。官山東黃  
縣知縣。有雪鴻堂集。

杜牧木蘭有夢裏曾經畫蛾眉之句。時人以爲  
佳句。余謂李陵以軍中有女子氣。則戰不力。木  
蘭有畫蛾眉。夢烏能十二年乎。非本蘭本色矣。  
因爲之咏。

攬轡提戈坐錦韉。長途無復看花鈿。倘教有夢肩重。

蜀佳

卷十

六



畫火伴先驚十二年

趙宏覽

宏覽字僧照劍州人順治戊戌進士官江南

虹縣知縣

楚王宮

四望荒烟裏蒼茫野色齊山猶開躑躅春自發棠梨亂石江雲捲荒藤夜雨迷一從亡國後空有鷓鴣啼

五六荒涼

巴東縣

大江橫楚塞蜀客問歸程埃火林間列人烟亂後生有巖皆置屋無地可成城疏鑿真何意巴東自古名

晚歸

雨後衝寒出山行意轉濃林藏雲寺火風渡雪溪鐘谷靜窺猿飲村喧警虎踪此時歸路瑛烟樹鬱重重

陳璠

璠字虹也四川人從順寧府志採人未註明何縣人

初夏種竹

慶雲張永曰澍澤老青筠點綴心忘苦遷移日已辛

名園增好友。列卉速嘉賓。榦直蛻為貫。根盤石作筵。  
佇看煨鳳粒。原是化龍身。煮茗烟籠夕。披襟露浥晨。  
蕭蕭增媚媚。謾謾倍精神。削杖嗤鮐吏。持竿憶虎臣。  
不知洪水遠。巧結渭川鄰。細葉鋒疑劍。微痕淚似鱗。  
徜徉三徑古。笑傲七賢真。勁節同高踏。孤標迥絕塵。  
風搖驚倦客。月襲舞騷人。對此寧甘瘦。從今不效顰。  
吹之詞一律。沃以酒千巡。祇畏此君少。何辭問主頻。  
伶倫堪取截。雅奏足娛貧。

蜀雅卷十一

羅江李調元雨村選

李仙根

仙根字子靜號南津遂寧人實之子順治丁

丑進士第二授翰林院編修歷官至戶部待

郎有安南使事紀要康熙六年安南黎維禧與高平莫元青構怨侵

殺維禧奪高平元青奔坂朝馭漢界也廣

西總兵王會奏聞南津以內秘書院侍讀

加一品服充安南正使奉勅諭黎氏移元

青於廣西南寧府且致書維禧責安南臣王

誤國十節安南君臣遂帖然奉詔大義稟

然詩亦盡雅唱所見甚妙鈕玉樵觚賸少

隨其父如石先生官於吳遇國變不能歸蜀  
備居釣磯江側館於鄉間柴氏其子世俊夢  
已試得狀元詞得榜眼以告子靜子靜私自  
負因拆榜眼二字之半合為根字改今名回  
籍應舉辛丑傳臚果第二狀元則  
馬世俊也柴木姓馬名偶符耳

季秋王公武約遊上方山

二十年前望落霞。如今重到似還家。半山紅日迷人  
出一徑清烟傍馬斜。鴉勢遠盤孤塔影。漁歌長應轉  
帆。搥。偶然興會因同調。欲覓幽閒更覺奢。

張祖詠

祖詠字又益內江人有枕江堂選刻詩鈔魏准

憲百名家小引張子以詩鳴倚寓巢湖大江  
南北名公卿爭折節下之余過毘陵與研齋  
李太史衡浣花才子指首屈焉得家學於尊  
甫羣玉先生近始締交河朔出所為詩屬余  
論定見其以英雄之氣練儒雅之才響中鳴  
球風生玉樹幾幾乎視黃金白雪牛鬼蛇神  
輩皆奴隸之矣其推獎如此今觀稿中率多  
應酬之作未易低昂取有真氣者登之或不  
善

感遇二首

貧賤驕人耳。黃金何足論。寧為鴻鵠翔。肯逐鷦鷯喧。  
六翮吾自有。且從霄漢翻。

置身天地間。出門豈不寬。冠蓋當我前。自作浮雲觀。

吾哀韓王孫乃受漂母餐

讀范增史傳同劉子庵年伯作

白帝已斃隆準公安能劍舞困乃翁玉玦不敵舞陰  
盾黃金一行疑重瞳君王許乞骸骨去烏騅獨走烏  
江路八千子弟無一人七十老翁何足數噫吁嘻丈  
夫擇主不慎始國破身亡亦徒耳何如吾家報韓人  
功成更從赤松子

隔巷見

長安有女正青春自矜十五未嫁人豈是薛濤居北

里如何宋玉在東鄰東鄰北里遙相及紅裙翠袖風  
前立時聞門裡墮釵聲逢人便故舉幃入相看遊子  
笑相憐柳絲花片總嫣然只愁夜夜墻頭月腸斷秦

箏十二絃長吉遺韻

欲宿彭澤縣不及

古邑臨江岫相看是畫圖一城山共水半壁楚連吳  
夢隔樓頭鼓心依酒肆壚此時彭澤令還肯折腰無

三四咏彭澤確

送春二首

蜀佳

卷七

三

蜀北春遲到如何。今亦歸。野花愁自落。梁燕看還飛。  
柳暗前途。旆塵迷。故國衣年年。那作客。送盡此芳菲。

途中遇雪

雪風吹馬去遲遲。何處梅花勸酒卮。在我固宜潘岳  
鬢於人何盡。馬良眉雲連玉宇。炊烟淡。東合瓊樓雁  
陣岐。歸去自憐裘已敝。寒江何處釣堪垂。

天中客蒲坂作

客中佳節獨淹留。做葛朝來又換裘。虞舜山川雖在  
望。屈原風雨不堪愁。離家久。厭辟兵縷。泛宅長隨競

渡舟。無奈錦江歸路渺。黃河偏繞郡城流。

楚江月夜

誰道仙人去未回。鶴樓千載看崔巍。楚王夢裡神爲  
賦。黃祖刀頭血是才。烟火萬家明月渡。笙歌兩岸碧  
雲開。征人極目思無限。擊碎銀壺酒百杯。

客衛源借魏惟度出郭訪驪月上人和韻

鶴去軒空寂鼓鐘。相看郭外數青峰。客攜風到花迎  
展。僧卧雲深戶不封。菡萏未舒沙路暗。綠楊已拽晚  
烟濃。北來傾蓋君知己。日傍延津匣底鋒。

呂柳文

文字長在號旂山遂寧人康熙癸卯科舉人

葉縣知縣

送施又黃還吳門

親老遊何處長安羨爾歸西風悲落葉征馬戀斜暉  
詞賦無今古烟霞少是非淵明三逕菊留待護柴扉

林明儁

明儁字位旃鄆都人有澹遠堂巴子園梧桐

居等集

漁洋蜀道驛程記初十日晨大霧林  
生來以其尊父命持巴子園詩文集

之序按林名堅本漁洋王子所得士也  
旃學富經史甲申獻寇陷蜀從閣部王應熊  
討賊籌畫多中後以  
病假歸隱居著述

燕

隨風燕子正翩翩秋去春來不多年  
雨畫橋翦破綠楊煙幾聲絮語傳粧閣  
繡鞦最有惱人愁絕處飛花如雪鬧鞦韆  
盡日差池傍綺寮天涯無處不魂消  
柳塘春水迷三迳花塢斜楊話六朝  
南國營巢空碌碌御河歸夢尚迢迢  
迢迢憐紅惜紫情何限腸斷春風是灞橋

張象樞

象樞字四水安岳人康熙癸卯舉人有雪浪

齋集

四水為費仲若所賞識然奇氣獨出能於費氏外別立一幟

展暮不得

閒來無事便登樓回首家山處處愁人去似成三島  
絕難歸却近十年流親朋戰老城池廢風雨寒深草  
木秋多病目甘為棄物只期洒淚展松楸

張象翀

象翀字六飛安岳人康熙甲辰進士官至膠

州知州有處和詩集

六飛早孤值忌日致奠盡哀如初喪以孝聞詩亦

根抵至性粹然不疵

贈高汝止

沙草坐傾壺江天野望孤低烟圍白水遠樹入青蕪  
流水鄉心切浮雲世事徂同君當此日相對兩踟躕  
遊瓦屋中天池  
帶雨入荒寺松濤一鏡流枯燈寒古佛殘葉落危樓  
法界猶灰劫吾生真浪浮烟雲能護枕且夢碎支遊

張象華

象華字五華安岳人

不為儒冠悞。何辜泉石深。賤貧甘寂寞。忠孝付沈吟。  
薄俗殊南北。幽懷自古今。獨行溪上晚。霜月靜疎林。  
向上達

上達字恬菴犍為人

攬山訪何季長何赤木水竹居

歸鳥擇深木。高亭欲暝時。琴書吾道在。鷄黍故人期。  
蟲。嚮。露。生。草。蛙。喧。月。到。池。放。談。三。日。夜。終。宴。不。為。疲。

五六  
凄切

冉德

德字公讓廣元人康熙丙午舉人官至陝西

西寧縣知縣

公讓鄉舉後避吳逆徵聘逃匿深箐中賊劫其父公讓奔救臨

以刃弗去賊義而釋之見通志

望采石磯

綠樹丹崖俯石頭。龍爭虎鬪故磯留。謫仙已是騎鯨  
去。詞客空為乘鶴遊。欲薦蘋蘩帆去疾。那堪蘆葦望  
中稠。天荒地老稱詩伯。不盡長江萬古流。

蜀雅

卷十一

七



楊岱

岱字東子彭縣人康熙丙午舉人有邨山詩

集

魏惟度云余讀東子詩氣力雄健知為詞壇英俊近董耕伯蔡方山從維揚來道東子年十九其器宇沉沉似有道者侍乃翁研連先生恂恂乎儒子不特其詩之妙也益嘆余暗中摸索能因其詩知其人焉

巫山高贈友人

巫山高聚猛虎白日食人肉天摧地坼傾西土碧草  
幽幽斷行客山魃寂寂啼春雨巫山高兮悲復悲游  
人怨兮君莫知君行真到萬峰裡白石峻嶒光玉齒

峨眉峰下花如雲駿馬蹴花城鴉起

巫山

落日巫山峽孤舟萬里風石寒神女館濤沒楚王宮  
疊嶂飛青靄高城上碧空何年成蜀道剝木往來通

閬中

空有山川在長存萬古名野花頽岬發枯骨斷巖平  
人去啼雅亂村荒牧馬鳴何時罷征戰重住錦官城

白帝城卽事

玉洞三巴雨桃花萬壑春楚雲歸峽暮涪水入江新

柏柱祠神木。青峰化美人。古來夔子國。寂寞久歸秦。

真州留別友人入蜀

與爾天涯別。留沽興亦闌。退潮江雨澁。吹角夏雲寒。沙鳥飛何急。巖花落未殘。登樓無限意。只倚玉欄干。

登黃陵廟

白日寒烟火。空庭山氣秋。黃牛歸更遠。杜宇怨無休。萬木雲中變。一江天外流。蒼蒼遙浦望。應有古人愁。

大慈寺

久廢先朝榜。何人禮大慈。青苔荒石馬。昏月宿寒鴟。

不見張蠟詠。空憐孟昶碑。年年春草綠。芳躅與誰知。

山棧

孤嶂阻青霄。千峰向寂寥。群猿渡水怯。獨鶴下天遙。雷雨歸何處。仙人不可招。東南盡平野。蕃馬一何驕。

閣中送友人公車

應是臺郎器。成名自不難。無家臨別苦。多病送君歡。津樹江亭暮。邊風馬上寒。青青辭驛路。相對倚闌干。

酷似少陵

項羽祠

項羽祠

項羽祠

九

開峙非初願。空餘百勝威。纔看秦火滅。又聽楚歌悲。  
江漢無歸日。中原有盡時。霸圖今已矣。駿馬尚名騅。

三四  
悲壯

棧中早秋

大火初流日。歸途到棧清。樹陰藏野店。日影射山城。  
寒雁知秋氣。噉前作雨聲。當時據蜀道。獨有卧龍名。

棧道

鳥道與天齊。盤雲萬壑低。層巒飛瀑下。空木亂猿啼。  
山勢危巴郡。邊聲隔隴西。可憐唐輦路。煙雨草萋萋。

送孫默還黃山

歸去成高隱。送君逢暮春。柴車臨驛路。兒女出風塵。  
野水斜通磴。孤猿啼向人。平生應有意。不止為棲真。

黃陵廟

峒嶷古廟到今垂。夏后乘輿駐蹕時。江過岷山萬里。  
白雲連湘曲。九嶷卑空潭日落。馮夷出古木。春寒杜  
宇悲。斷壁祇留遺跡在。滿天殘雨濕靈旂。

夔州雜詩

三峽風高雷雨低。盤雲直上與天齊。楚王斷壁飛猿

蜀雅

卷十一

狄。巫。女。空。臺。嘯。鷓。鴒。楓。葉。隔。江。全。障。日。山。花。滿。路。半。  
成。泥。永。安。宮。裡。傷。懷。事。漠。漠。寒。烟。馬。自。嘶。  
春。來。急。水。下。峨。眉。客。路。悠。悠。啼。秭。規。亂。樹。藏。雲。荒。故。  
壘。行。人。見。月。憶。當。時。千。年。畫。壁。公。孫。墓。百。尺。寒。松。帝。  
子。祠。父。老。近。來。生。計。拙。干。戈。何。以。慰。瘡。痍。

晴川閣泛舟

晴。川。閣。倚。漢。江。斜。獨。泛。城。西。十。里。花。忽。見。青。龍。翻。日。  
月。欲。隨。黃。鶴。上。烟。霞。誰。家。細。唱。揚。州。曲。爲。客。重。烹。陸。  
羽。茶。仙。吏。不。來。丹。棗。熟。一。天。風。雨。散。神。雅。

淮安渡河

淮。安。城。北。日。初。斜。水。驛。迢。迢。客。路。賒。獻。賦。十。年。愁。對。  
酒。登。樓。何。處。好。思。家。雲。低。野。浦。千。株。樹。雨。徙。黃。河。萬。  
里。沙。不。見。王。孫。更。垂。釣。望。中。空。自。立。殘。霞。

馬嵬途中

烽。火。漁。陽。一。騎。飛。梨。園。子。弟。筦。絃。悲。誰。知。七。月。長。生。  
殿。便。是。淋。鈴。夜。雨。時。史識

燕趙少年行

天。山。雪。夜。解。重。圍。獨。上。城。頭。晒。鐵。衣。回。望。陣。雲。橫。絕。

漠至今隴雁不會飛

千金名馬受飛黃。新市駢弓八尺長。久住邊城歸未得。寒衣都付市門倡。

夜泊

夜船將泊棹歌齊。芳草萋萋野路迷。只有斷猿無宿處。最高枝上徹明啼。

泊舟

拍堤春水四無雁。吹笛樓邊起暮霞。舊寺僧殘江樹盡。空留寒月老蘆花。

楊崑首

崑字葛山號中洲成都人有三樹堂詩集

昆仲矯矯者東子此外則葛山亦儼然成家

雨中看荷花

一帶垂楊綠。乘流放畫船。晴陰來水際。香氣入衣邊。細雨低雙鷺。微風咽一蟬。不妨露濕好。盡日醉芳筵。

楊岐

岐字周子成都人有碧蘿亭稿

碧蘿亭稿皆悲壯之音今擇其細意慰貼者

雪

朔風吹凍雪。天半忽漫漫。遠寒孤城沒。空山樹影寒。  
 舊曾穿戶牖。今遂壓闌干。不學袁安卧。啣杯且獨看。  
 蓬萊閣雜咏。一學不效袁安卧。盡日猶未盡。  
 仲連天下士。慷慨古人風。抗論非秦帝。高蹤寄海東。  
 秋雲橫島黑。野火照山紅。誰見銘功石。長留烟雨中。  
 紅橋舟汎  
 日斜放艇向輕波。一帶園林隱碧蘿。似爲畫簾人小  
 立。故將簫鼓緩經過。

朱軫裔

軫裔字三瞻。嘉定人。康熙己酉舉人。官至南  
 城兵馬司指揮。三瞻爲景寧令時。有政聲。詩亦雅澹。

馬

驍騰如此見。應稀瘦骨稜。稜秋不肥。只有雄心無可  
 似黃金臺上白雲飛。

劉荻

荻一名羽。荻字忠嗣。遵義人。

題陳世長舫齋

想到虛舟。百事慵當。窓端只愛雲峰。目隨鳥背，思無際。身遠龍濤。夢亦濃。海上鷗羣終踐約。江潭漁父數相從。乘風孰與卧遊好。消息還當問二宗。

趙良樑

良樑字彥雯巴縣人

宿洞庭

日暮征帆歇。孤舟襍雁羣。湖平湘水盡。雲斷楚天分。江霧迷荒戍。漁燈映夕曛。浮生飄萬里。尚泊在江濱。  
傅汝和

汝和字梅之奉節人

欸乃曲

瞿塘春水綠。搖櫓前溪曲。郎住瀼西頭。妾住瀼東麓。

三月桃花紅。歌聲暗相續。暗相續。妾搖船。郎濯足。古當

渝歌

集老友人中作

爲卜幽棲處。閒尋仙石偏。名應埋野草。老不厭林泉。鶴唳空巢月。蛩吟敗壁烟。寥寥清夜裏。敲枕未成眠。

山居

小閣臨江日正斜。溪山好共野人家。晝長無事棋堪遣。老去消愁酒便賒。蘿逕雨深苔易滑。茅堂月出柳難遮。北窗一榻新涼起。半縷茶烟颺落花。

劉 迺

廸闈中人康熙丁未進士官至吏部郎中

感懷

太平風物舊堪憐。去國離家亦偶然。遊子設身無善策。古來流寓有高賢。海邊盡日看鷗戲。塞上何時失馬還。最喜百花潭畔路。嫩槐新柳綠娟娟。

羅江李調元雨村選

張鵬翮

鵬翮字運青遂寧人康熙庚戌進士授庶吉士由吏部郎出守蘇州遷河東鹽運使司歷兵部督捕侍郎巡撫浙江轉右侍郎督學江南遷都察院左都御史授兩江總督改河道總督兵部尚書加太子太保轉工戶兩部尚書進吏部尚書太子太傅文華殿大學士卒



論文端 文端論詩以性情為主其序張南軒先生詩集云吾觀三百篇中唯十五國風或多託于山川蟲魚芳草雜佩以極其流連纏綿之趣至于大小雅及三頌曷常不莊敬和樂敷陳治理揚厲道德也哉而世乃謂詩有別腸當在可解不可解之間且曰作詩必此詩定知非詩人其亦過矣古人云道在瓦甓在秕稗每况愈下無邊非道彼山川蟲魚芳草有一非理之所寓即不得其理而徒繪其情狀以為工吾未見其能詩也其持論如此文端著有武侯誌一書搜羅不遺餘力亦足脩蜀中典故時采一二條入余井蛙中

旅夜書懷

分水驛連古萬州烽烟無際暮雲愁三軍不作刀鏃

裏一夜鎮聲遶戍樓

似王龍標

王庭詔

庭詔字宣子夾江人康熙庚戌進士著耕餘

集

寄家書

一函遊子淚痕封寄去雲山幾萬重君到鶴洲江上問數椽茅屋幾株松

李先復

先復字曲江南部人康熙壬子舉人官至工

部尚書西郵用兵時曲江以兵部左侍郎奉命輓運軍需至巴里坤清勤慎職致政歸囊無餘貲可想見清白風詩有古直氣

弟斷臂烈婦行并序

烈婦鄧氏長溝民何獻圖之妻齡廿一事孀母趙氏至孝會吳逆作叛夫負餉隨征母已出婦鍵戶治內事守脩張某騰騎突入翩翩糾糾竊意於深谷無入之地挽一女子如探囊易耳始而以言挑之則罵繼而以金誘之又罵再則以力脇之仍大罵張乃直創其頭

顛連揮數刃痕寸餘婦歎撞圍而出張降其射婦力拒之遂斷左臂張懼甚乃自刺復白刺所乘馬赴縣庭中夜死婦匍匐往食田水鄰人詢其故猶云馬兵殺我不踰時卒鄰人鳴之官遣捕跡其狀見滿室皆血一手在門後刀插戶側婦遍體皆傷下衣無全縷遠近觀者如堵詳聞偽將軍侯事定方蓋棺露尸四月顏色如生噫威武不能屈謂之大丈夫只大丈夫耳而婦人云乎哉爰紀其異以存

長溝之山山轟轟。長溝之水水曲曲。蒼巖松老風謾  
謾。邨婦扁籬形影獨。織無機絲春無粟。荆釵蓬髮感  
顏玉。良人長征不可憐。長征輪輓秦師前。阿婆牧犢  
柴桑外。倚閭終朝望不還。紅日未暝青山紫。馬蹄轟  
處黃塵起。寶劍金鞍羽林郎。下馬瞥見雙頤喜。低首  
求歡甘言餌。婦氣冲冲髮豎指。躑躅徬徨奔無門。心  
口相商惟有死。兇奴忿極刃交加。血和珠淚飛紅雨。  
中庭電掣雷霆吼。神龍只抱驪珠走。烈婦守身不顧

身。敝屣形骸傷其手。手旣斷。肝如鐵。血干行。腸百結。  
勢如漢魏交鋒金鏃折。賈復拖腸不敗北。又如真卿  
義激李希烈。割舌期期猶罵賊。哭已無聲魂默訴。上  
帝聞之心震怒。陰遣六甲與六丁。藉手殲奴奴惡露。  
渠白戮。匪無故。忠孝節烈鬼神護。不則泰山等鴻毛。  
石完玉碎芳名悞。君不見漢殿明妃馬上嬌。銅雀空  
勞鎖二喬。美人一旦埋煙草。姓氏誰將烈女標。又不  
見金屋阿嬌傾國色。一笑千金難買得。宮中脂粉賤  
如泥。不換邨姑一點血。吁嗟乎。別夫不於室。拜姑不

於堂慷慨赴義。曷忙忙千載而下。仰清風於高山之  
崔巍。兮與流水之汪洋。焜煌大篇 煞有關係

趙心忤

心忤字清章。西充人。康熙壬子舉人。官至兵

科給事中

清章與曲江。嶠雲俱出王漁洋之門。故獨有法律

答客

君問西川路。雲邊白帝城。但逢明月夜。處處擣衣聲。

楊嶠

嶠字謙雲。彭縣人。康熙壬子舉人。

樂府

城東飛燕落。城西落燕飛。城南歸燕去。城北去燕歸。

吳良璧

良璧字夢星。榮縣人。康熙壬子副榜。官舟縣

訓導

夷門行

壯士不虞死。美人不虞生。邯鄲何足救。天意在侯羸。

韓士修

士修廬州人。康熙癸丑進士。授庶吉士。官檢

蜀雅

卷三

五

詩

門七夕

晚風渡海涼。新月出雲薄。今夕不易聞。人生貴行樂。  
中庭小兒女。仍復陳杯杓。再拜向天孫。喁喁申舊約。  
老翁抱膝坐。閒吟自斟酌。夜靜人不聞。高城吹畫角。

李 姓

姓字楚材。渠縣人。康熙辛酉舉人。有濠梁詩。

集

發彭湖

水際無端倪。孤舟日夜發。湖平九派寒。日沒萬頃濶。  
怒石落秋濤。蒼茫捲春雪。汗漫戒客心。一葉任飄忽。  
緬想鼎沸初。此地鳴金鐵。親提百萬師。勢若無吳越。  
樓船方震蕩。一炬隨煙滅。水結連環鎖。波冷朋指血。  
至今三百載。夜夜愁鷓鴣。感往撫壯懷。擊楫浩歌烈。  
豎子固無成。王氣亦銷歇。天道有廢興。人事隨轉轍。  
過眼等逝波。代謝無時輟。惟有湖上峯。依舊明孤月。  
送友人郭大從戎

海檄日徵兵。廻艫自請纓。星隨柔櫓動。月傍戍樓生。

鸚鵡麾前醉。芙蓉匣內明。知君單騎去。看築受降城。

整工 送友人還蜀

握手憐今夕。崎嶇指故都。青山開倦眼。疲馬戀平蕪。石棧盤雲細。暝猿向客孤。衰親應計日。豈為慕菰蘆。

章江門遊滕王閣時已被焚

君王臺榭餘灰燼。傑構何年浩劫還。盛日文章碑版在。秋風薜荔石鯨閒。五更江湧初生日。十里潮青未了山。異代豪華俱寂寞。莫論高閣化雲間。五六奇句

孤燕

年來倦羽滯天涯。前路早飛夕照斜。共道烏衣長作侶。誰知紫領竟無家。簾鉤月冷侵孤夢。柳絮風清趁落花。莫道幽棲憔悴甚。樊籠何事鬪諠譁。

羅廷璋

廷璋字文成。閬中人。康熙辛酉舉人。

山亭

荒署畫冥冥。秋聲天外聽。野蒿迷舊徑。老樹覆空亭。雨過諸峯白。雲開一帶青。瘦樽消永日。移此對郊坰。

與客泛舟

載酒烟江上。勞勞半日程。波濤分雪色。人語亂江聲。  
斷岸連雲轉。孤舟與石爭。同君高涉險。因發浩歌情。  
極享鍊亦極自然

李謨

謨字采臣富順人康熙甲子舉人官至河南  
太康縣知縣采臣平居言動不苟致仕後依然寒素教授生徒每以收放心最為急務又謂聖狂之別須于起念處省察因嘗居崆山講學學者稱為崆山先生本朝在吾蜀理學稱崆山鶴山兩先生

梅花落

春風吹明月。夜落梅花裏。相看兩無言。清香淡如水。

樊曙

曙字旭東宜甯人以廕襲指揮僉事有楚澤

吟諸刻

旭東博通典籍寇亂後家業蕭然躬耕養母弟噉流寓滇中老難嗣息迎歸為之置妾生一子吳逆迫以僞命力拒之年七十二卒事見通志

黃陵廟敕書樓二首

在明月峽

月峽黃牛合江聲。白帝來樓前。憑積雪石上起奔雷。  
天險岷江出神功。蜀道開。敕書猶望祀。不見使臣哀。

秋色

秋色好盤桓。悠然興未闌。鶴羣松石嶺。魚艇蓼花灘。歸路邨邊晚。鐘聲寺外殘。隔溪餘景碧。楚楚見巖巒。

樊叙倫

叙倫字仲葵宜賓人貢生

仲葵幼失父奉母避吳逆亂於荒山

乏食覓糧數百里外為賊所得監守甚嚴無計得脫會兵弁覓能書者仲葵稍見禮重遂以老母在哭告兵弁感重至深夜給米少許縱之潛逃抵母所母已病且死仲葵呼捨大慟具棺殮時平扶昇歸葬人稱其孝云

峽中

八月瞿塘水。秋風萬里身。高樓飛木葉。愁殺渡江人。

襄陽曲

蒲帆去若飛。沙渚流多曲。無復弄珠人。來臨江水綠。



蜀雅卷十三

羅江李調元雨村選

李以寧

以寧號雪樵營山人康熙甲子舉人官至三

水縣知縣有綏山草堂詩集十卷

余從遜齋先生處得其全集大半皆氣高格老之作以其從愚山阮亭輩遊故不無翫辭之概雪樵有蛾眉賦設為綏山先生問答詞氣直逼兩京文集中所必傳者

公無渡河

公無渡河。河深且寬。奔流疾如矢。濁浪高如山。一公解

無渡河。衰草淒迷。白日將下。隔岸不見人。迎酸風而  
 汨瀉。二公無渡河。招招舟子。有徒實繁。停橈瀕洞。願  
 橫索錢。三公無渡河。朝辭榮澤。暮見廣武。水底有蟠  
 螭。舟中盡乳虎。四公無渡河。欲渡不渡。當奈何。天矯  
 天吳揚大波。天吳猶自可。乳虎將噬我。五

歲暮行

歲聿云暮。瑾戶牖。敝裘蒙茸。露兩肘。頗憶儵忽。遭迤  
 迤。土伯鬚鬚。虎其首。嗚嗚昊天。正憚怒。不自我先。不  
 我後。一歌歲暮兮。歌轉驚短後之衣。曼胡纓。

歲聿云暮。多風雨。蕭條旅舍。無環堵。山妻椎髻。擁敗  
 絮。癡兒不襪。啼聲苦。賃廡誰為。臯伯通。索米邨間。謝  
 仁祖。再歌歲暮兮。歌轉孤荒。城月黑。號於菟。  
 歲聿云暮。日月除。拊髀忽忽。愁居諸。男兒墮地。不貴  
 顯。動稱經術。何為歟。桓譚已去。侯芭死。忍飢仰屋。空  
 著書。三歌歲暮兮。歌轉愾市兒。新拜騎都尉。  
 歲聿云暮。夜漏長。念我冑氣。天一方。分明入夢。來牽  
 臂。封胡遏末。俱前行。荷戈滿地。龍戰野。骨月何由。聚  
 我旁。四歌歲暮兮。歌聲促。戶外寒雞。齊喔喔。

歲聿云暮。雲霧浮。故園不見。心悠悠。自從移家別閭里。綏山書屋寒松楸。乘羊仙人杳何處。我欲隨之道阻修。五歌歲暮兮。歌聲漫。附書咫尺無征鴈。

讀漢侍中楊倫上順帝書

西南有大荒。產獸曰饕餮。厥性好積財。狠惡恣攘竊。九鼎辨神姦。象形戒貪劣。如何窮竒輩。甘處四凶列。粵稽東漢時。風尚猶廉潔。任嘉令昭陵。狼藉簞簞裂。以賄典大郡。垢臭曾不輟。一朝廷尉收。將相遭牽涅。請案舉者臯。侍中能嚶鱗。國家勵有位。先絕要路津。誅惡不及本。此輩何由馴。轉喉便觸諱。尚書議鬼薪。賴帝鑒忠言。徵拜旌直臣。至今讀其書。仰首看蒼旻。上書固足羨。更思埋輪人。

錦城篇

我聞錦城好。駕言錦城道。錦城萬堞舍秋雲。錦城四野迷荒草。我眉山在色蒼蒼。灌口江來波浩浩。益州自古帝王都。西陲陸海真名區。文翁政教成遺俗。武侯將相開雄圖。豪華幾見晉唐代。詞賦偏工揚馬徒。七橋九陌橫烟霧。風光佳麗忘朝暮。仙人紫府騎青

羊秦相赤樓高白菟。江瀆神從帝女留。支機石自天  
河度。二月四月治遊天。輕車細輦爭駢闐。文窓繡戶  
家家啟。珠箔瓊鈎處處懸。垂簾市上高人隱。貫酒鑪  
頭少婦妍。王孫俠客馳飛鞚。同心暗結鴛鴦夢。花卿  
歌板入雲流。艷孃舞袖隨風動。藕履輕施荔子裘。釵  
頭小集桐花鳳。狹斜那得比宮闈。粉黛橫陳未足奇。  
王衍太妃稱國色。李珣小妹冠昭儀。漫誇天子十眉  
畫。更羨夫人百首詞。別有風流開水殿。青娥皓齒娛  
清宴。城號芙蓉萬樹垂。波明珠翠新粧衍。彩舸避暑

摩訶池。綃衣待月宣華苑。近來蜀國更堪誇。奕葉賢  
良帝子家。自是宗藩盟帶礪。敢將程卓擬驕奢。葡萄  
織就錦千軸。雲母描成扇九華。畫棟飛甍連戚里。絲  
管烟花讓朱郎。三百年來恩寵多。一朝世變荆榛起。  
安得壯士雄。五丁可憐野火焚。連理行人莫向浣花  
溪。草堂橙木晚萋迷。金鴈橋邊曾有鴈。碧雞坊下已  
無雞。遙遙芳樹通秦棧。滾滾長江擁石犀。祇今驛路  
惟烽堠。天寒何處倚翠袖。紅牆夜穴魚燈微。青松日  
斫龍鱗覆。尚憶華陽集古今。誰從益部傳耆舊。物換

星移復幾秋。棘闌深鎖故宮幽。闌珊此日三千士。窈窕當時十二樓。漏聲頗似銅壺閣。月影難銷石鏡愁。已矣哉。歸去來。久無金馬祀。莫問石經臺。井絡文星猶灑燭。天彭玉壘徒崔嵬。獨有春深聽杜宇。年年啼血為誰哀。包括蜀事感慨係之

赴涇川和耦長雪不止兼寄高院懷

臘月朔風動地起。十月雪花飛不止。野霧壓山山盡低。南北茫茫何處是。顧予萬里之孤客。騎驢蹙蹙風雪裏。故人高臥敬亭雲。仙臺誰薦琴溪鯉。路傍冰樹

交嗟。我短袖無溫。欲墮指。我曹書卷真無靈。憂來萬事紛難理。君不見。乘雪會獵南山頭。錦裘大馬者誰子。

講武城渡漳水東望銅雀臺

阿瞞已吞袁冀州。千乘萬騎臨漳流。威行河朔如虓虎。築城要害時講武。經營巨麗摩青霄。三臺樓閣何岩巖。祇今古渡餘荒壘。一代繁華隨逝水。可憐銅雀久飛騰。當時歌伎望西陵。世人不知粉黛假。兼金猶購鴛鴦瓦。

楊花篇 調陳木參

花濃綺陌春時節。君家楊柳絲絲結。乍舒青眼解窺人。但掃翠眉堪鬪月。鬪月窺人花漫飄。輕薄春風任蕩搖。自矜粉素垂羞靨。自倚婀娜裊細腰。細腰羞靨芳塵接。玉勒金鞭恣蹀躞。旁人盡道羨楊花。舊主空思作桃葉。桃葉楊花太放顛。爲雲爲雨若非烟。暗挑游冶誰家宿。枉費東君著意憐。蛺蝶雙雙元共趁。蜻絲處處爭相牽。相牽共趁嗟無主。烈飈驟雨漂零苦。已化浮萍赴浪流。分爲燐火照園土。誰知荏苒向春

回。却得翻飛隨燕舞。春回燕舞影差池。楊花重到故棲遲。萋迷寶瑟爲君戀。縈迴繡闥爲君私。章臺雖折他人手。隋苑猶存往日姿。偷歡豈覺同行如。密語微防大婦知。玳瑁牀中貪夜夜。芙蓉帳底約時時。時時夜夜恩誰比。何須瞥眼閒桃李。鏡裏盈盈色更妍。枕上纖纖嬌不起。卽看今世結同心。却誓來生作連理。那意輕狂本性成。更逢漂泊無窮已。婉轉難留掌上珠。別離又逐溝中水。楊花楊花何處遊。雪膚玉貌去悠悠。難將破鏡天邊合。爲憶驚鴻夢裏求。誰言萱草

能。獨。忿。不。信。盧。家。字。莫。愁。野。客。歸。來。春。欲。暮。撲。衣。柳。  
絮。靡。蕪。路。逢。君。幽。咽。可。憐。生。回。頭。不。見。銷。魂。處。小。疊。  
鸞。牋。錦。字。乖。長。吟。羅。袖。紅。顏。誤。風。流。自。古。惜。歡。場。往。  
事。躊。躕。客。共。傷。垂。楊。羣。地。今。何。在。記。取。飛。花。繞。故。牆。

遊沐道士淇園

淇縣城北多飛沙。道旁却有羽人家。羽人本是黔國  
裔。來闢淇園祇種花。橘刺藤稍迷咫尺。高柯短篠交  
紛拏。春深或值好風日。鼠姑片片烘明霞。蹒跚園中  
抱甕畢。瑤琴二弄勝箏琶。我來相訪已蛻去。亭臺無

瓜。處非叢葩。君不見秦時故侯久。寂寞猶種東陵五色

鄴城行

朝行漳水濱。暮宿鄴城下。秋飈吹斷鴻。古驛嘶征馬。  
此地由來魏始都。鸞旂鶴蓋爭相趨。岌業層城披繡  
棟。嵯峩雙闕接金鋪。雄心當日何能已。建安霸業中  
天起。堂皇府寺七門通。鈎連閣道三臺峙。公子芳園  
競讌遊。美人蘭渚嬌羅綺。曹家運去事堪傷。須臾典  
午亦銷亡。榜題自昔誇梁鵠。劫火何期屬汲桑。淵勒

紛紛無足數。一日荒淫恣石虎。舊宮不復留文昌。新  
殿初成朝太武。窮搜聲色羅奇珍。後庭窈窕萬餘人。  
五夜星文工女史。千羣騎射教官嬪。嬋鬢齊裝金鏤  
帶。蛾眉偏戴紫綸巾。戲馬水邊騰黑豹。鬪鷄郊外漲  
紅塵。襄都信宿馳周道。赤橋紫陌相環抱。雲龍神虎  
壯闔閭。白鹿蒼麟隨羽葆。雉堞還營濟午高。繚垣更  
築華林好。名果累累綴木難。靈芝處處生瑤草。不妨  
財殫與民痛。那信天荒同地老。高齊世世耽嬉遊。日  
崇土木成丹丘。藻井搏風朝露薄。文窓過鳥夕暉留。

玉鈎珠箔麒麟錦。碧瓦雕檐鸚鵡樓。停鸞嶺望靡蕪  
島。駐鶴峯看杜若州。欲做貧兒村有市。可知天子號  
無愁。水殿縈迴更瀟灑。仙都沉湎忘歸也。堂浮密作  
繞莊嚴。觀設臨春藏艷冶。鴛鴦扉啟流蘇張。翡翠奩  
開明鏡瀉。競羨齊宮馮小憐。詎讓江東袁大捨。繁華  
如夢草芊眠。竊據興衰豈偶然。沙埋丹錫。旣難覓。苔  
蝕胡桃。瓦不全。歲時冉冉驚流電。殘鐘野寺何王殿。  
莫歎浮雲變古今。曾經明月窺歡讌。漳水湯湯去不  
回。鄴城遺跡盡蒿萊。風流千載人猶憶。獨有陳思作



賦才 豔冶

觀紫陽山飛來石用元人薩天錫韻石在丁野鶴祠下

老藤挂遍吳山峯。紫陽劣削尤玲瓏。誰施鬼斧鑿空翠。倒飛片石垂芙蓉。黝窅荒忽入林屋。陰風豎髮聲吹竹。乘鶴仙人招不來。香雲夜夜巖邊宿。

小孤山

片石雲初斷。中流勢轉尊。岸分彭澤樹。烟鎖大江門。側影竈鼉伏。摩空日月昏。潯陽知不遠。猶此上潮痕。

秋爽臺對月

向晚浮雲歛。登臺爽氣生。秋惟今夜好。月似故鄉明。小院喧蟲語。空天落雁聲。客愁當薄醉。萬里更含情。

九江舟中遇雪

春半寒猶重。城頭積暮烟。雲低三楚樹。雪壓九江船。遠岸連林動。輕帆趁浪偏。不聞商婦曲。客興亦悽然。

望嶽麓

奇峭臨湘岸。層層翠幃開。水光連嶽動。山色入城來。何日臨丹壑。携尊坐碧苔。祝融千里外。矯首更徘徊。

湖舫雜咏

蜀淮

卷十三

九

峯影插湖流。參差一望收。翠屏雲外立。螺髻鏡中浮。  
水濶疑無樹。沙晴欲下鷗。西風蘋末起。颯颯片帆秋。  
山色沿溪入。青蘿尙可捫。新沙崩岸脚。古木覆雲根。  
漁子舟爲市。人家水抱邨。漣蘭吾欲采。誰肯贈芳蓀。  
桂楫弭何地。遙看水一方。雁聲驚別浦。鴉背帶斜陽。  
不見芙蓉彈。時聽荻葦蒼。客行猶楚澤。百感共茫茫。  
數首俱有氣格

恭聞荊州大兵入蜀口號

久不勞西顧。軍書底事交。但能綏婦子。不復惜芻蕘。  
誓衆應呼兕。臨流欲射蛟。蜀中諸將士。何以壯前茅。

江行

山光漠漠總無痕。吳楚潮來日夜吞。曉霧乍收飛石燕。  
狂風欲到拜江豚。眼中積恨桃花浪。枕上華胥竹葉尊。  
回首壯遊真足媿。浮雲來去共誰論。

送存夜之貴陽次王佩翁韻

驪駒忽唱惜離羣。相送河梁日又曛。千里之官衝瘴

霧一帆行李載春雲。竹祠月冷，征人拜銅鼓。風殘野峒分。到後，褰帷詢疾苦。殊方父老舊思君。

登慈仁院毘盧閣遠眺

毘盧傑閣倚霄浮。蒼莽烟光接薊丘。萬里塞垣秦上谷。四朝陵墓古幽州。郊壇樹擁斜通市。甲第雲連半列侯。空外不知凝眺久。天風吹散旅人愁。

大梁懷古

曾閱宣和繪事精。土河被禊盛清明。虹橋鳳舸波搖闕。綺閣花棚水接城。誰使戈鋌成北狩。還憐歌舞罷

東。京。堤。邊。柳。色。空。今。古。不。分。寒。煙。處。處。生。

江上晚泊

古戍停舟江上邨。荻洲深淺見潮痕。漁人聚艇晚成市。野店收燈早閉門。月出遠看沙岸白。帆歸極望浦雲昏。悲涼畫角中宵起。指點平蕪戰地存。

登岳陽樓

岳陽名勝一樓孤。畫棟朱甍蹟久殊。山色尚留麋子國。秋聲不斷洞庭湖。風吹急浪魚龍冷。雲盡高空雁鶩呼。十二芙蓉猶在眼。湘靈鼓瑟聽曾無。

南樓

夏口江峯合。荆門樹色開。傷心樓上月。曾照庾公來。

邨居雜興

步出柴門細路斜。斷橋流水一山家。不知愁裏春光盡。處處開殘夜合花。

寄季弟

惜別多時秋已分。亂中相憶每看雲。可憐與汝為兄弟。不及天邊雁一羣。

昔遊

東風惆悵玉鈎斜。千古雷塘祇暮鴉。憶得棠梨花放處。當時曾過七香車。

樊澤達

澤達字昆來宜賓人康熙乙丑進士授庶吉

士官至翰林院侍讀提督廣東學政

昆來少值寇亂

奉二親避兵越溪家貧負米百里外徒跣供爨又常於蓮塘賀市寺授徒養親往來皆水道嘗撐筏至魚窩沱觸石身墮水中聞人呼曰此孝子也若有扶之者及出波心筏猶在側得不死此亦異事也詩頗有俊逸之氣

瞿唐峽口

誰憑霄漢劈青蒼。天險由來古戰場。八陣風雲連灩澦。三巴門戶鎖瞿唐。鳥蠻塞遠江流合。白帝城高草木荒。峽路愁人從此始。哀猿啼處過飛航。

樊澤迴

澤迴字膏郇成都人

登四望山

山勢插河漢。泉聲落檻楹。今予愁極目。古者亦何情。巖逼雲雷近。溪流日夜清。曠哉懷抱盡。老氣尚縱橫。

張懋齡

蜀雅卷懋齡遂寧人文端之子

午日秦淮竹枝詞選

青溪畫舫往來頻。玉樹歌殘夜色新。獨有多情千古月。偏隨桃葉渡頭人。

贈沈皇渥

髯公逸態解風騷。捧腹軒渠興更豪。一串紅牙一斗酒。侍兒可有鄭櫻桃。

蜀雅卷十四

羅江李調元雨村選

傳作楫

作楫字濟菴奉節人康熙丁卯舉人官至都察

院副都御史有雪堂燕山遼海西征南征

等集濟菴詩余從農部唐鴛港處覓得其詩如老將臨戎步伐森嚴不事攻撼而氣

自奪人

代女行

雲中有女不得于夫號泣中野予哀其志賦以記之

泉流聲淅淅花落影遲遲一身負君子茫茫安所之

河邊兩鴛鴦。意氣酣淋漓。鴛鴦爾弗驕。驕我亦何爲。我不食爾食。我不衣爾衣。守死待所天。寸心終不移。

百歲溝渠日。皜皜無瑕疵。

寓意深遠。居然漢魏。

凄凄復凄凄。凄凄無已時。舉頭思舊恩。低頭悲路岐。使君何處來。投珠光陸離。君意良不薄。妾懷深自知。賦命已如此。百年有窮期。人生名節事。那能一再虧。死爲舊夫死。歸待舊夫歸。

九日登高不果

生平嗜山水。獨往嘗無懼。一日中危機。跬步生猶豫。

秋原爽氣高。野景多幽趣。逝將陟崔嵬。掀髯賦長句。何人阻我行。斗酒且歡聚。坐令覽勝心。鬱鬱不得吐。咫尺尚如此。遠行更可慮。海東有白雲。飄然自來去。

結得悠遠

盡日小齋中。獨坐渾無事。偶然弄碁譜。觸機悟妙義。紛紛黑白子。隨我意所置。我者天之碁。置我隨天意。莫謂離鄉遠。譬如生此地。杜門謝車馬。努力習文字。蟋蟀床下語。報我北風厲。呼童瑾戶扉。看彼來何自。

有懷巫峽書屋

三。更。推。枕。忽。狂。叫。芙。蓉。照。眼。青。濛。濛。巫。峰。十。二。離。雲。  
嶠。遠。來。就。我。青。門。東。江。頭。神。禹。驅。鬼。斧。鑿。門。混。沌。分。  
天。柱。雷。霆。日。月。雙。壁。行。老。龍。出。穴。噓。風。雨。天。門。奇。險。  
爭。瞿。唐。柴。扉。斜。對。綠。倉。茫。愛。向。千。峰。結。書。屋。書。燈。隱。  
射。波。濤。光。三。月。桃。花。紅。爛。熳。岷。峨。春。漲。迷。高。岸。葦。葉。  
橫。飛。下。九。霄。峭。壁。懸。嵯。削。天。半。之。官。一。舸。類。浮。家。亭。  
午。天。開。落。日。霞。把。酒。臨。風。渾。似。昨。等。閒。孤。負。東。籬。花。  
巫。峰。矗。矗。雲。之。表。青。山。滄。海。催。人。老。借。問。窗。前。舊。啼。  
鶯。可。見。朱。顏。長。美。好。

豐臺女

豐臺女兒嬌無力。春日登臺望春色。萬紫千紅照眼  
明。獨倚危欄淚沾臆。憶昔花開妾嫁時。良人相愛不  
相離。花前共理銀箏柱。花下同傾金屈卮。過眼年光  
疾。於電珠簾淚捲東風變。垂烟委砌可憐花。花自可  
憐。君不見。君不見。妾望雲。雲高望遠路難分。何由  
得似天邊鳥。飛到君前訴與君。

彈箏曲

君不見。潘陽三月天。海風吹雪密如綿。城頭細鳥凍



無語屋角殘枝。僵可憐。曉氣抽毫覓冷句。墨花滿硯。  
寒雲。涸典衣。沾酒欲消愁。無奈春愁。消不去。酒盡詩  
成。暑影遲。兒童歸語笑聲低。街前喚得彈箏女。試令  
一彈喜可知。我已多年不好樂。風塵誰復精絃索。回  
身隱几聽伊彈。緩攏輕撈。驚且愕。入破新鶯。蹴嫩條。  
蛾眉。初月抹雲高。千慵萬嬾。遲梳掠。紅暈春風。豆蔻  
稍調。改蕤賓。彈夏景。滿池菡萏。花開盛。珠簾輕掩。暗  
香來。冰簟紋。納人夢。醒一轉。金風玉露中。霸王甲葉  
鳴。秋空雲。雷雨往來。電急石破滄江走。臥龍拍尾。茫

茫。渾無際。歛藏萬象。歸元氣。湘靈縹緲。數峰青。忽憶  
潯陽江上事。借問東來始末情。銀箏一放。淚霑襟。可  
憐本是良家子。生長江南白下城。十四粧成。領國色。  
千金嫁。向王侯宅。主人愛妾。教彈箏。日日承恩侍主  
側。金屋瓊筵。樂事奢。朝歌暮舞。度年華。烏中不羨雙  
飛翼。樹裏曾羞並蒂花。盛極那知時命改。須臾陸地  
成。滄海妾身一點似浮萍。風浪飄零。今數載。數載飄  
零。苦不勝。饑來花市。叫彈箏。卽今餬口他鄉計。猶是  
當年舊主恩。舊主恩情。思不了。幾回西望。長安道。千

愁萬苦。妾無辭。惟有。噉環與結草。此言聽罷。心暗傷。由來絕色恨。編長花前織錦春。含淚月下搗衣秋。斷腸前路漫漫。憑造物。紅顏何用傷心哭。崎嶇羨爾不。忘恩。爲爾偷閒作此曲。

將進酒

君不見山前射虎故將軍。薄暮單車歸灞亭。又不見門前張羅廢廷尉。一朝駟馬聲喧沸。人生榮瘁那可定。衆口悠悠極難聽。白髮空爲鏡裏愁。青春好遣杯中興。呼兒將我舊金貂。新豐市上沽春醪。先開一甕

金盤露。老夫煖手親烹羔。曩時童婢顧安在。主人依舊朱門改。卽今對酒不盡歡。咄咄窮愁復何待。將進酒。好舒懷。清歌一聲酒一杯。須臾興來發深悟。拈髯微笑吟長句。乾坤何地不容愁。獨有醉鄉容不住。

孤啼青

出關以來鮮佳馬。東郊偶見孤啼青。豐肌艷采一無有。雄心瘦骨空亭亭。飢寒陌路誰相向。獨對高天時引吭。我亦風塵憔悴人。見此茫茫漫惆悵。適逢主人前致辭。具道孤蹄不可騎。我言此馬大宜用。與人一

心。人。不。知。賢。哉。主。人。遠。感。悟。殷。勤。引。馬。將。歸。去。馬。不。  
能。言。向。我。嘶。難。忘。此。日。相。逢。處。乾。坤。氣。機。如。轉。蓬。今。  
古。曾。經。泣。路。窮。一。朝。騰。踏。青。雲。上。誰。論。昔。日。污。泥。中。  
人。世。悠。悠。且。如。此。那。能。望。爾。酬。知。已。

登澄海樓和同年湯西嵯先生韻

山。海。關。頭。勢。錯。愕。後。視。怒。躡。金。鰲。腳。迴。澗。激。石。烟。霧。  
中。澄。海。樓。高。天。際。落。當。年。燕。將。恃。兵。強。設。險。築。城。爲。  
鎖。鑰。築。城。西。向。雲。中。道。白。骨。青。燐。莽。相。錯。筵。前。鐘。簾。  
未。酬。勳。城。上。旌。旗。風。捲。籜。劫。火。年。深。千。載。餘。繚。垣。歷。

歷。渾。如。昨。我。朝。尚。德。不。尚。險。放。馬。歸。牛。柔。六。幕。父。老。  
衢。歌。兵。氣。銷。公。卿。染。翰。昇。平。樂。新。豐。驛。路。掛。城。頭。屬。  
國。琛。車。震。鈴。索。紛。紛。紫。氣。自。東。來。飛。傍。關。門。樓。上。著。  
五。陵。佳。客。玉。驄。過。六。郡。才。人。金。罍。酌。昌。齡。王。渙。氣。縱。  
橫。劃。壁。旗。亭。稱。傑。作。清。時。展。眺。一。高。歌。自。喜。遭。逢。良。  
不。薄。詩。成。穆。穆。風。徐。徐。意。境。悠。然。珠。展。拓。晴。天。望。遠。  
海。風。清。何。處。空。中。有。樓。閣。

蕩平厄魯特後餘馬發固節驛收養恭紀

鐵衣曾遠涉。鞭策敢辭勞。瀚海連雲濶。天山帶雪高。

甘泉翻玉鞞。翠草染征袍。昨日居延外。平沙擁仗旄。

山寺曉鐘

疎鐘破林出。山寺本來空。響迸分溪水。聲遙度嶺風。  
依微殘月迴。斷續曉煙濛。何事驚人夢。明朝問遠公。

別意

妾夢隨明月。因君到海東。君今西出塞。月又照崆峒。  
別意良難薄。此行當自雄。但留明月在。不敢怨飛蓬。

述懷

我昔遼東去。蕭然十一秋。病從肝膽受。身為國家留。

絕域驅天馬。間關轉木牛。莫言才具鄙。卜式已封侯。

陳家峪

白髮楊無敵。三關轉戰勞。殘生騎虎背。一擲等鴻毛。  
峪水聲猶咽。陰風晝不消。夕陽沽酒處。有客話前朝。

薊門秋望

極目愁無際。邊陰慘不開。寒鵬驚月落。陣馬刷雲來。  
白草雕弓勁。黃蘆戍角哀。李陵遺恨處。空築望鄉臺。

夜發瀚海

北斗正當天。明河挂馬前。露沾銀甲重。月照寶弓圓。

蜀雅 卷十四  
薄伐懷周績。西征憶漢年。從來敵愾者。屍文不纏綿。

烏泥圖得雨

即瀚海

炎征戈筆道。渴極飲汚泥。好雨一朝得。歡聲萬帳齊。  
風清駝益健。水足馬無嘶。明發申軍令。王程不敢稽。

過兩雲章江臯別業

欲擬歸田賦。長吟意自如。柳深元亮屋。花壓子雲廬。  
橋斷經秋漲。園荒課晚鋤。愛君耽寂寞。寄跡在樵漁。

九日登高唐

不是龍山會。翩然側帽來。峰環巴子國。雲出楚王臺。

勝地耽詩思。懷人托酒盃。遙知兄與弟。笑對菊花開。

玉泉山觀大閱

虞廷九寓敷文教。爲重提封閱武來。出水寶刀霜片  
落。射雕好手月輪開。花翻碧澗朱旗動。山擁黃雲紫  
蓋迴。慙愧相如巴蜀檄。何由珥筆侍蓬萊。

西郊觀獵夜歸

右安門外草萋萋。小隊尋秋見合圍。得意馬隨人所  
到。失調鷹與兔相違。西風古蹟寒烟斷。薄暮空林落  
木稀。却憶少年戀遊騁。夜涼花露滿羅衣。

蜀雅

卷十四

八

雁南飛

霜早平沙落木稀。南征秋思動金微。直從絕塞乘風起。僂上層霄帶月歸。鐵嶺城邊花未謝。玉泉山畔稻初肥。關情下聽斜陽外。何處人家尚擣衣。

遼都春興

五雲縹緲鬱春城。春日遙看氣象生。北枕龍岡開紫苑。南臨鳳島接蓬瀛。晚花向暖連枝放。幽鳥迎和出谷鳴。多少侯邦環帶礪。太平風物首東京。

原評三西之整麗必得五六之輕婉方能出入暇豫

九劇三條絕點埃。春風昨夜大寧臺。纔聞玉勒鳴鑾去。又見金輿擊鼓來。洛水神光朝振蕩。瑤池仙路晚徘徊。東都車馬堪圖畫。慙愧張衡作賦才。

騁騎飛鷹樂未休。憐香借客晏高樓。座中肝胆傾無忌。囊內金錢贈莫愁。翠袖杯擎花影動。紅燈劍舞夜光浮。年來六郡良家子。骨氣稜稜傲五侯。

秋雲

久客悲秋常病臥。今年初起見秋雲。翻將北海魚龍氣。變出南山虎豹文。晚樹陰從天外合。寒江色向雨

中分五陵衣馬情如許。舊說荒唐不可聞。

寄友

漠漠塵沙。不開蘇門作客。獨懷才黃壚。日醉荆卿。市碧草偏生。樂毅臺。代馬嘶殘。邊月苦。征鴻叫斷。朔風哀。盧溝日暮。行人少。幾度踟躕。首重廻。

永安宮

當年此處遺明詔。賣履分香一字無。嗣子不才君可取。老臣如此罪當誅。艱難力盡三分鼎。終始恩酬六尺孤。今日西陵撫松柏。青青依舊鳥空呼。三四為人傳誦

籌邊樓

天府金城古益州。文鉞旣節鉞。舊風流。春秋兩見桐花。鳳晴雨。三調柘樹鳩。夢裏關山情漠漠。天邊烽火路悠悠。不堪憔悴西征日。人在籌邊第幾樓。

出塞

太平天子不臨戎。大將行軍膽氣雄。畫角聲中吹曉月。琵琶馬上醉春風。宣遼塞險連雲扼。龍虎臺高一線通。最喜關頭回望處。五陵佳樹鬱葱葱。

嗚咽河流入漢京。黃沙浩浩斷人行。營含苦霧旗猶

濕陣壓陰雷。鼓不鳴。無定河邊。秋夜冷。受降城上。月華明。誰憐此處。高樓女。獨對西風。念遠征。萬里長垣。繞碧空。誰燒獵火。射天紅。馬嘶曉戍。驚吹角。鷓沒層雲。應落弓。芳草夜寒。陰嶺月。怒濤秋捲。黑河風。明妃一去。勞回首。淚濕琵琶曲。未終。

烏塔河望舟吉喇部落

綠水青山任去留。閑花野草不生愁。興來赤足調驕馬。倦後提壺將乳牛。羌笛數聲邊塞月。琵琶一曲漢宮秋。功成我亦還鄉去。日與兒童話釣遊。

塞上曲

雁度金河水。風生玉塞秋。誤人成白首。還說未封侯。

秋夜詞

脉脉獨含顰。愁懷難自遣。梧雨滴秋窻。寒衣燈下剪。

問鏡

一笑謂嬋娟。鄉知妾可憐。個人當日去。曾說幾時還。

白雲

君身如白雲。妾在青山住。青山無轉移。白雲自來去。

贈歌者



江天蕭颯不宜秋。烏柏霜紅。菴畫樓。明月一窗寒似水。誰教唱殺古涼州。

金陵雜感

不見當年白鼻騮。垂楊垂柳夕陽斜。莫愁湖上笙歌歇。惟有東風送落花。

風帆霧縠蕩中流。紅雨江南樹樹秋。桃葉渡頭歸去晚。蛾眉織月上簾鉤。

蕭颯西風嘆轉蓬。傷心重過舊吳宮。千秋王氣凄然盡。空建降幡落照中。

赤烏碑斷記前朝。百戰人歸霸業銷。試向鳳凰臺上望。白楊風裏雨瀟瀟。

西陵懷古

悵望平原思不勝。可憐南渡竟無憑。秋深搖落冬青冷。烟雨瀟瀟泣六陵。

平調中有異響

夕陽古道草萋萋。十里荒烟望欲迷。惆悵年年寒食節。越王臺上鷓鴣啼。

湖邊楊柳入霜凋。蘇小門前久寂寥。紅粉摧殘歌舞歇。月明無復聽吹簫。

秋口有懷

溥溥白露冷江干。采得芙蓉欲寄難。九月涼秋刀尺動。雁門關外雪漫漫。

乙酉元日虎丘市得昭君出塞泥影

萬里辭君出大荒。幾番回首望君王。侍兒不解傷心處。還負琵琶近妾傍。

淚洒明駝血未乾。焉支山下路漫漫。衛青死後奇兵少。銅鼓金釵出賀蘭。

黑水流澌鬪塞垣。黃沙隱隱動青燐。就中多少英雄

骨。千古娥眉妾一身。

將出關寄內

樓邊楊柳綠陰齊。小帳遙憐晝景凄。莫打黃鶯怨。驚夢征夫猶未到。遼西。

白狼河沽酒

十千一飲興猶豪。笑解蟠花舊錦袍。日暮酒家樓上望。白狼河北水滔滔。

秋柳

公子青春繫馬時。誰家玉笛倚樓吹。分明一曲關山

月不到。飄零那得知。

對月

十年京國五陵豪。步下毛錐馬上刀。贏得滿頭霜雪。在玉門關外。月輪高。

聞砧

三更月轉黃龍戍。萬里秋高白帝城。已是寒螿聽不得。誰家猶急打衣聲。

感雁

石榴花下別朱顏。黃菊開時客未還。却怪賓鴻不相。

待等閒先入薊門關。

杏山

聞道當年未解圍。金鉦銅鼓戰塵飛。只今但見寒原裏。一片孤城掛夕暉。

雪中解衣贈友人子

失路王孫賣寶刀。西風滾滾雪如毛。別君萬里無相贈。親解牛絨罩甲袍。

望遠曲

夢裏金微路不真。黃沙如雨復如塵。曉來試上高樓

望一片垂楊青。殺人如此等詩置之唐人集中幾不復辦○余選蜀雅費氏而外端推濟菴以其格正調高不落宋元谿徑也故所選獨多

高人龍

人龍梁山人康熙戊辰進士改庶吉士官至吏部員外郎

秋夜

秋夜懷人候孤燈鴈過時。吾身正無定爾意欲何之。露重竹聲靜。月高松影移。長廊頻徙倚。不覺到鷄啼。

陳書

書監亭縣人康熙戊辰進士官至吏部郎中

雨後

雨洗秋天淨。塵心亦自閒。夜來倚戶望。新月澹前山。

張翔鳳

翔鳳富順人康熙辛未進士授庶吉士官至

知府

種烟行

閩田手携三尺鋤。囊裏幾粒澹巴菰。逢人說烟鼓隴。胡一筒抵得酒一盃。亦不飲食筋骨舒。種烟之利與

禾殊種禾只收利三倍。種烟還獲十倍租。沙田種烟烟葉瘦。山田種烟烟味枯。根長全賴地肥力。氣厚半藉土膏腴。越人嗜烟如嗜鼠。寧可朝爨缺不厨。黠者招困充力作。上田百畝種九區。可憐力薄苗葉短。不似烟葉高扶踈。憎苗愛烟戶相告。老農傍睨欲色癯。吁嗟老農勿健羨。此物鳩毒奇莫居。食多積日煩副殺。肝腎焦灼勞醫巫。棄灰往往成失火。焚燒廬舍殃池魚。我聞前明有厲禁。稍因瘴卒寬其誅。無米令人俱餓死。無烟豈遂傷毛膚。昔年眼見鬻烟賈。掘田築

室穿清渠。此來米價真大貴。里中惡少攫肉烏。太倉掬米一掬珠。陳齒爭噉如花猪。種烟利厚趨者衆。有田不稼將何如。語有關係方不是無爲而作

李鍾璧

璧字鹿嵐通江人康熙丙子舉人官廣西平南縣知縣有燕喜堂集

黃汾阻風

繫纜黃沙幾晦明。歸心日夜共愁生。風高陡覺千帆落。潮至如聞萬馬聲。世事久知同木鷁。羈懷何處付

銀箏倚欄蕩漾占風色。遠浦危磯浪未平。

何 鉞

鉞字元鼎號厚溪涪州人康熙己卯舉人官至浙江鄞縣令著有芝田詩稿

平生孝友嘆零丁。金石文章貫六經。豈有袁安偏臥雪。須知劉向善觀星。乘龍浪吸千江動。雛鳳毛分五色靈。蔚起一時稱樂事。為君頓覺喜顏形。

普和看梅

酒沽林外野人家。霽日當簷獨樹斜。小几呼朋三面

坐留將。一面與梅花。

董新築

新築字嘉三合江人康熙庚辰進士授應吉

士官至甘肅寧夏道有楞齋詩集

顧息存云楞齋詩有

盛唐風味如五丁關云云臨潼早發云云皆其近似者彭樂齋云嘉三為文飄飄有仙氣自少能詩晚年益臻老境尤工於辭擅白石之勝

送費滋衡省墓新繁作此送之

當年西蜀名家子。此日江南老布衣。百代冠裳先壟在。半生萍梗素心違。纔經故里來為客。又向他鄉去

是歸。那得親朋分手後。暮雲春樹思依依。  
五丁關外入雲霄。一線天中望轉遙。巖斷千尋行有路。溪經百折渡無橋。馬蹄踏葉寒聲滿。人面衝風短鬢飄。坐倚籃輿登陟倦。不禁心旆自搖搖。

臨潼早發

叫曉天鷄寂不聞。紅燈影裏絕塵氛。人家夜色新豐樹。馬首秋涼華嶽雲。古戍清霄無鼓角。山田儉歲有耕耘。行行漸近三竿日。天遠長安望轉殷。

九日登署後仰瞻樓有感

獨倚危欄對夕暉。陽雲紅樹影相依。窮邊人事音書杳。薄宦天涯故舊稀。籬落已寒花自放。林柯不靜葉交飛。西風莫遣嚴霜下。多少人家未授衣。

平生不識古南荒。到此尋思更渺茫。天氣近連羅鬼國。人情遠歷蠻鄉。醉醒楊柳樓中月。冷暖梅花帳底霜。吟碎客心無好句。逢人莫道錦為囊。  
傳齋詩極似晚唐人

張晉生

晉生字日三金堂人康熙壬午舉人

題美人撲蝶圖

飛來迎面故遲遲。欲打偏穿花上枝。蝶翅撲殘人意懶。憑欄宛似倦粧時。

高大申

大申字天士梁山人康熙乙酉科舉人

白門中秋

碧鷄坊裏久淹留。又向江東賦遠遊。萬事消磨成老境。一年容易到中秋。蘭尊拚醉吳儂酒。桂棹思乘楚

客舟不比兒時呼拜月。頻搔冷髮立階頭。

周泗

泗字未詳重慶人

泗詩從高白雲先生案頭處採得頗有奇氣

黃鶴樓 九歲作

吾蜀青蓮曾閣筆。今朝黃口敢能詩。長江日月滔滔去。大野風雲漠漠馳。鸚鵡竟成才子恨。梅花久斷玉人吹。徘徊閣影樓頭我。全不思鄉淚已垂。  
白雲師云泗為諸生年纔弱冠授館土曾恃才玩侮後竟遇害鸚鵡梅花實先識也



蜀雅卷十五

羅江李調元雨村選

龍為霖

為霖字雨蒼巴縣人康熙丙戌科進士官至

廣東潮州府知府有松蔭堂詩集

余在大廷尉鄧遜齋

先生處覓得原刻稿八卷係雨蒼手訂即先生所序以行者按雨蒼有本韻一得以五音六律參入韻理旨意奧窔而其詩乃多平易近人賢者固不測也今選其戛然獨造者庶幾使人無元白之譏

雜感

雁以不鳴烹。木以不材終。愛憎兩無定。涉世真途窮。  
匠氏所不至。松柏自龍葱。雌者有時盡。尙恐求其雄。  
寧作有用物。任運以爲通。彼材與不材。誰能處其中。  
鶴白不啗鴉。鴉黑不忮鶴。各自全其真。何事默與浴。  
寥寥天宇廓。機心生桎梏。傷哉陽子居。枉作衢途哭。  
芍藥豈不美。顧謂牡丹奴。龍眼與荔枝。亦復如是呼。  
傾心附其勢。惟恐或後時。安知旁觀者。直且奴隸之。  
荒圃餘老菊。冒霜吐寒玉。曠士與爲友。高潔不可辱。  
橄欖抱餘甘。諫果得佳日。瘦質與清味。知不諧時俗。

幽貞聊自全。幸免爲奴僕。

邨曉

薄雲漏晷景。殘露滴松梢。晨風微一過。野竹自蕭蕭。  
幽人起當戶。清陰徐自搖。晴鳥弄好音。迴溪響暗潮。  
雲峰如對揖。隔江遠見招。入門無俗客。非農卽山樵。  
科頭便唱喏。偃蹇示爲驕。有茗呷一盞。有酒飲一瓢。  
飲罷亦竟去。餘興樂陶陶。

偶憩

避暑投遙林。碧草生烟霧。坐靜時聞香。不見花開處。

老農田間問客來何遠。答言偶憇此茶瓜。咄嗟具  
欸欸話農桑。依稀忘日暮。臨別相送遙。隴西指前路。  
主人驅犢歸。余亦從茲去。

嘉州食墨魚感賦

嘉州有嘉魚。蹙鱗排點漆。龍身燕尾長。雙鬢并鐵直。  
二月天氣和。春風鼓百蟄。倔強立泥沙。矯如樹黑幟。  
市之羅縷膾。芳鮮妙無匹。夙聞箋蟲魚。墨瀋遺點滴。  
吞之遂潛化。如蝕神仙跡。郭公固多奇。此語難窮極。  
獨怪鎮江鱗。跳網若銀色。千里走京華。歲供上方食。

斯物寧不貴。何為故鄉擲。悠悠世間人。尙元不如白。

題錢舜舉秋荷鴛翠圖

錢翁畫荷不畫花。與子破葉數枝而已矣。雙雙翡翠  
閒相戲。對對鴛鴦偎不起。鴛鴦翡翠矜麗質。破葉乍  
然不修飾。彼此濃淡兩乖違。雜置其間母乃失。君不  
見株樹巢邊懼金丸。在梁有時憂羅畢。西風颯颯吹  
敝荷。挾彈公子走馬疾。雖有網罟無處施。顧盼逍遙  
真自得。老手善畫感我思。想見西湖秋雨時。巧偷生  
割聊移贈。淡粧濃抹總相宜。

橐駝行

危峰矗背高嵯峨。昂頭鶴立影坡陀。遠走沙場近羽  
 獵。軍儲任重惟爾宜。古叶天生異物各有用。市廛未  
 許常經過。竭來所見乃大異。豢養不啻驢與羸。負戴  
 纍纍驅入市。羣行逐隊如鶴鵝。雨濕煙煤氣慘澹。風  
 堆塵溷形蹉跎。戛然一鳴似我訴。為爾感念長咨嗟。  
 物生貴賤本無定。遭時失勢成殊科。白龍魚服猶困  
 頓。矧爾質陋才匪他。方今天子重文德。遠洽策旺  
 懷。牂牁博徵鴻。儒倒載戈長楊不賦賦。卷阿千金戰

馬空芻秣。犀兕雖多棄。則駝乎駝乎。奈汝何。

畫鷹歌

秋高颯颯風枝枯。蒼鷹側踞如愁胡。攫身怒翼拳爪  
 鐵。意勢儼與雷霆俱。不須更待狐兔死。毛血已似殷  
 平蕪。我聞善畫宋徽宗。後來作者林良工。此圖桀鷲  
 誰所作。殺氣慘澹風雨通。世間妖鳥紛如織。凌霄健  
 氣排空立。整骨刷羽氣豪雄。迴旋簸蕩時一擊。謂須  
 洗盡羣氛類。萬里霜天見霜力。空驚野鴛飽山雀。鷓  
 臯依舊鳴聲惡。吁嗟畫師有意無。愧爾森森戴雙角。

生綃一幅我無用。烏玦半丸江左貢。儲待明年春和時。爲我潑墨寫鸞鳳。

彙草辨疑歌爲馬文毅公賦

字法變化如浮雲。古來作者何紛紛。各體縱橫留楮墨。惟有草書傳其神。龍跳虎臥驚天門。雄強無過王右軍。平原自是忠義士。筆挾風雷日月昏。擔夫劔器悟草法。以頭濡墨勞輪囷。前有顛張後懷素。此輩要是不羈人。試看怒猊與驚馬。誰非一脉之氤氳。秋蛇春蚓譏懦弱。了無意氣徒生存。馬公大節垂青史。四

載幽囚苦無比。窮愁發憤著此書。血淚斑痕猶著紙。纖疑必辨守乃定。浩氣與之相終始。丈夫慷慨託毫素。聞者悚然生敬慕。俚語真書不作草。未敢狂言忿忿故。

木如意歌

君不見烈士暮年心未已。老驥伏櫪志千里。如意敲缺唾壺邊。可兒跋扈從茲始。又不見雲錦照野金谷春。手揮如意石季倫。擊碎珊瑚二尺許。豪奢直壓天家珍。可憐貴盛不久傳。俯仰今昔徒悲酸。我行萬里

金臺肆。偶市古木光斑斕。不如意事常八九。半生潦倒歌長。鑷卽茲撫摩亦稱意。何必十襲深包絨。嗚呼。何必十襲深包絨。

雨後聞驅九頭鳥

康熙戊戌五十七仲春二月二十日神威高壓黑雲。頽鬼氣潛驅陰雨出。靜夜狂風漸瀟灑。千門萬戶人如啞。突聞四面搗鼓聲。驚起寒窗下帷者。須臾喧填滿闌闐。東家麓簸西家碓。黃鐘及缶各雷鳴。樂昌破鏡齊擊碎。渾疑鉅鹿戰秦軍。呼聲動天不可聞。又疑

田單出卽墨鑿城。大譟驅龍文。疇昔之夜曾如此。云當月蝕天地否。奔馳嗇夫走庶人。補助陰陽固其理。嗟此重聞獨何由。詢之言有鳥十頭。一頭滴血破人家。迸遣不使凌空遊。我聽此語心疑之。人生禍福誰其尸。矧茲異物難窮極。至今不解鶴鵠詞。孔子鶴鵠歌言一身九尾註者謂卽九頭鳥竊疑不類 揣摩曲盡形容肖。却愛歐陽鬼車詩。玉女調笙音凄切。江車轉軸聲嗚咽。鳴機夜織錦江上。羣雁驚起蘆花雪。如斯寫照真奇特。我欲摹之不可得。吮毫濡墨苦吟謳。詩成一夜東方白。

題趙松雪八馬圖

穆王八駿稱名馬。今之畫圖其是也。描神繪意各盡態。正不必驕駟赤驥名增價。或行或立或亂流。飲者暫者滾塵者。雖駉驪駟駟駟。一一染毫細分寫。牧奴奚官咸磊落。風驟霧鬣何瀟灑。當時為誰摹神駿。至今展翫如歷天。閑與夏房嘗讀杜公九馬詩。霜蹄蹴踏長楸下。又觀蘇子牧馬圖。沙苑蒺藜嗟荒野。平蕪淺水任閒逸。惟有此圖見者寡。八鑿六轡非所謀。西山東邱亦何暇。意在萬里其誰知。水精道人落筆。

真大雅

送高守村之京師

我官滇之南。得友高守村。我官粵之東。得友王斗南。兩君各自負奇氣。下視六合幾無一人。可與參當時。握手罄交歡。心醉歸來年復年。惟我與我自周旋。壬戌之歲黃花天。守邨倏然來叩關。倒屣迎之發長嘆。傾壺竭榼攄肺肝。高談何止驚四筵。蟻蝨遠遁青蠅避。始覺塵尾柄外乾坤寬。辭我將北之燕山。買舟先欲泝濟源。倘遇斗南濟水邊。斗南家在濟寧不相罵。定相憐。

蜀雅

卷十五

七

有時相泣還相笑。與會所至旁無人。古韻讀然須計蝨山。  
尚有蘭谷子。可許中處乎材與不材問。

觀海

落日滄溟好。高邱極望閒。烟雲瀕洞處。天地有無間。  
積水三千運。神州萬里環。秦皇與漢武。何地問三山。

再乞養還鄉

薄宦憶南滇。陳情已十年。只緣君命重。復使母心懸。  
毛義情何極。蘇耽志早堅。及今拋祿米。菽水亦歡然。

金川

蠻酋何所識。恃險抗天威。日射層碉峻。雲封野約微。  
注坡爭兔捷。援壁學猱飛。習慣成長技。吾軍但守圍。  
若輩犬羊似。奸人實。嗾之性。惟矜死鬪。時亦逞奇師。  
日月常陰翳。雷霆或護持。天心叟叵測。不忍見瘡痍。  
元戎貪樹績。咄咄向空頻。未屑諮羣策。翻勞遣重臣。  
金戈輝道路。玉帶降天人。傳說初臨陣。豺狼亦避真。  
師老鎧生蟣。兵間霜作花。相持如螭蚌。漸化類蟲沙。  
白骨春閨夢。青烽輦路笳。至尊方盱食。何以答勳。



華  
天子重推轂。宰臣再建鷹。日行三百里。親帥五千師。  
雪嶼雖云險。雲梯或用奇。遊魂金釜底。衛霍定動垂。  
毒女崇朝威。妖星永夜除。不聞摧隻矢。已見走降車。  
萬姓歡加額。三軍賀在廬。功成惟善斷。飲至頌那居。

歸舟入峽

歸入空舫意漸安。峽窠處處好尋看。戲憐巖狖投山石。  
巧愛江鳥接飯丸。雲去林梢明佛寺。風來竹尾掃仙壇。  
傳聞更有萊公蹟。古柏雙雙葉未乾。

湯陰謁岳忠武祠

崖山震蕩九天昏。太息斯人不復存。南宋勢危三字獄。  
北庭愁殺二宗魂。峩峩偉像傳鄉里。肅肅陰風過廟門。  
想見忠靈遺憾事。生平無力鎮乾坤。

出京日感賦兼寄邸中諸友

投足金臺百慮非。羈遲肯與素心違。遙知他日空彈鋏。  
不待明朝便拂衣。遠岫雲連秋樹沒。野田鴉帶夕陽飛。  
晚程孤客頻回首。舊有幾人今未歸。

海潮寺

車馬塵寰一曲湖。鬧中清景最堪娛。逐波漁艇時高下。隔岼人家乍有無。落日似。卸潮尾。動微風。欲到樹頭呼。若添幾點書雲雁。恰似湘江好畫圖。

郊外卽事

昌明河曲板橋東。獨倚胡床興不窮。紅樹影搖千嶂。山白蘋吹斷一溪風。羲皇以上懷陶令。山水之間學醉翁。欵段羊腸歸去晚。偷閒仍在百忙中。

王江源由楚歸蜀計程春杪當過湖南矣偶感

成句

宦遊自苦歸無計。偏為歸人計去留。春盡水生雲夢澤。月明人上洞庭舟。氣連野岼吹魚浪。波影高城動客愁。從此挂帆三峽近。杜鵑催喚蜀江頭。

村莊晚景次張藝圃韻

危峰障日剩餘霞。照耀田間三五家。幾點殘雲村角亂。一鈎新月柳梢斜。雄鳩啼罷爭巢竹。乳燕歸來帶落花。共醉一尊流水畔。清光野興晚猶奢。

謁武侯祠

兩表長懸雙日月。三分早定一乾坤。造廬有道懷先

帝銜璧無端感後昆。羽扇綸巾風自古。木牛流馬制空存。只今瞻拜荒祠下。紫栢森森盡欲昏。

梅花

壓盡羣葩品格稀。芳名不倩人騷詞。最宜水淡山幽處。更愛參橫月落時。竹外一枝何窈窕。笛中三弄亦凄其。平生心跡渾如爾。相對垂垂知未知。

湯陰重弔岳忠武

忠武沉寃千古稀。一回經過一噓歎。傷心不及侍中死。碧血猶能濺帝衣。

歸途雜詩

道逢幽勝小停驂。步履來看滴翠嵐。林靜忽聞人警咳。野禽驚落羽毵毵。

題畫竹

勁節虛中帶露宜。偶然風折最高枝。孤根自有凌雲意。不在丁霄直上時。

尋梅

閒評素月借精神。冷澹生涯好結鄰。待得蝶蜂爭認取。早應錯過幾多春。

疎影橫斜隔水遙。不辭深夜闖烟梢。三更踏月歸來晚。猶帶寒香度石橋。

李鐘峩

鐘峩字雪原通江人康熙丙戌進士官至太

常寺少卿

雪原有保寧志一書又獻獨備經史賦人多傳頌

巫峽

巫峽天下險。巖陰水氣昏。猿啼雲外樹。客斷雨中魂。神女靈旗去。騷人艷賦存。無窮懷古意。獨自向江村。

陶仁明

仁明字善長號石門萬縣人康熙丙戌進士

同易半山和喬太守攜酒過瞿唐書院作

已貰前村酒。花間懶獨斟。邀同高士語。一叙故人心。春入瞿唐暖。雲歸灤水深。何時清興發。騎馬到荒林。

易簡

簡字位中鄴都人康熙壬辰進士改庶吉士

官至編修

顧息存云位中掌教錦江有陰擠之者適作雪詩徘徊庭下忽得句

云幾回狂舞冰消易一落蹄涔激濁難甚喜其佳

夏日雜感

百感非關暑氣侵。故鄉羈緒擁煩襟。北窗日臥陶元亮。西寺時尋支道林。賣藥入城無好價。抱琴於野有知音。此身到處無安著。聊對薰風一苦吟。

賦得峩眉翠掃雨餘天

峨眉經雨過前川。回望風光倒夙烟。兩岫翠鬟如帶沐。千峰螺髻似爭妍。照開白雪寒垂地。幻出青霞氣接天。却笑幼輿邱壑小。也隨新霽鬪嬾娟。

百花潭

去國離家老病身。天涯何處不相親。花。柳。好。客。才。偏。

放巖武多情。氣未醇。萬里風塵空隕淚。五陵裘馬漫傷神。會須買棹夔門去。漚水東西理釣綸。

毛振翎

振翎字翥蒼華陽人康熙戊子舉人官至直隸宣化同知著有半野居士集

寓目

鳥下平蕪冷。秋情亦悄然。柳風梳野日。湖水盪空天。蘆老將飛雪。雲輕欲化烟。書齋閒倚徙。吾道在殘編。

水塘塞

半竿斜日到寒塘。主僕依棲路共商。山客初傳驅瘴藥。地出真金草云。煎水飲可去瘴。老人新授避熊方。人云熊眉長。自愛特甚。人若值之。須立于路側。手持杖。剪來春韭同瑤草。沽去村作作嚮聲。則熊不敢逼。醪等玉漿。萬里蠻荒風味別。寒郊駐馬倍淒涼。道風俗而

不

遂寧冢宰應 召進雲南鶴慶府四路入烏思

藏冢宰命余繕摺賦此誌概

繪圖定計剪蠻王。百萬貔貅進麗江。間日河窮尋窟水。有時舟絕渡皮航。空子拉朶。塞高天柱應。雁。有

枉塞 轉云峯不碍。驥佇看降書來。小醜不將軍士駐遐荒。

行行江岸曉風寒。碧水朱崖取次看。雀報林巒知客過。葉埋山徑覺秋殘。問岐遣使翻苗語。借宿通名索晚餐。往歲贈言君記否。短衣並馬出長安。晚唐佳境

宿三十家子番僧寺

身著黃衣異樣裝。停驂難與話空王。竿頭梵字搖新篆。院內松針落古香。拂視白雲常過几。開軒青嶂半連牀。偶懷天竺當年使。翻羨車書共一鄉。

向日貞

日貞字一存成都人康熙癸巳進士改庶吉士

官至御史

一存精制藝出黃際飛太史門下所刻程墨大小題文憲幾於汗牛

充棟蜀中論時文者必歸之詩其餘事也然亦自矜貴不苛

古意

不見黃鶯啼但願鶯啼早莫使夢遼西首得濃煩惱

採菊

幽齋只合供幽芳豔吐陶園引興狂帶影扳來三徑月凌寒剪斷一枝霜拾將翠鈿侵衣綠挂起金錢壓

帽黃儘有好花攀不易何如籬落問秋光

詠物詩得體

馬天麟

天麟字瑞生奉節人康熙甲午舉人任忠州

學正

襄陽留別潘立齋

長安回首幕雲空並轡聯吟出豫中仗劍同君過漢水看山何處弔羊公鄉心遠樹層層碧別路斜陽處處紅頃刻扁舟分上下相思各載一帆風

胡瀛

獨佳

卷十五

五

瀛字一山宜賓人康熙戊戌進士官至湖南  
按察使署布政使著有石溪集

冕山道中

遠涉休嗔蜀道難。重山重水蔚奇觀。天連象嶺千峰  
合。雲鎖龍潭六月寒。插羽傳書多驛使。披裘椎髻少  
衣冠。建南扼要惟茲地。大將酬庸在乂安。  
三四壯語

春日過太平橋

沿溪驛路接高峰。結構危橋兩岨通。松作濤聲疑夜  
雨。鳥如人語笑春風。平疇段段新秧綠。遠岫蒼蒼返

照紅。夾路花光總堪戀。歸來縱轡午陰中。

嚴瑞龍一首

瑞龍字凌雲閩中人康熙戊戌進士由給事  
中歷任湖北布政使護理巡撫

秋雨

蕭颯聲疑落葉乾。風吹細點灑林端。滕王閣暮簾初  
捲。巫女峰寒夢未殘。淨洗幽巖榮早桂。潤沾香國媚  
秋蘭。釣衰明日蘆汀去。添得澄波一只寬。



八  
九  
十  
十一  
十二  
十三  
十四  
十五  
十六  
十七  
十八  
十九  
二十

二十一  
二十二  
二十三  
二十四  
二十五  
二十六  
二十七  
二十八  
二十九  
三十

三十一  
三十二  
三十三  
三十四  
三十五  
三十六  
三十七  
三十八  
三十九  
四十

四十一

四十二  
四十三  
四十四  
四十五  
四十六  
四十七  
四十八  
四十九  
五十

五十一  
五十二  
五十三  
五十四  
五十五  
五十六  
五十七  
五十八  
五十九  
六十

六十一

六十二  
六十三  
六十四  
六十五  
六十六  
六十七  
六十八  
六十九  
七十



